

明史紀事本末
一



25383

明史紀事本末

一

谷應泰編

中華書局

明史紀事本末

此據畿輔叢書本
排印初編各叢書
僅有此本

明史紀事本末目錄

卷一

太祖起兵

卷二

平定東南

卷三

太祖平漢

卷四

太祖平吳

卷五

方國珍降

卷六

太祖平閩

卷七

明史紀事本末目錄

明史紀事本末目錄

平定兩廣

卷八

北伐中原

卷九

略定秦晉

卷十

故元遺兵

卷十一

太祖平夏

卷十二

太祖平滇

卷十三

胡藍之獄

卷十四

開國規模

卷十五

削奪諸藩

卷十六

燕王起兵

卷十七

建文遜國

卷十八

壬午殉難

卷十九

開設貴州

卷二十

設立三衛

卷二十一

親征漠北

明史紀事本末目錄

卷二十二

安南叛服

卷二十三

平山東盜

卷二十四

河漕轉運

卷二十五

治水江南

卷二十六

太子監國

卷二十七

高煦之叛

卷二十八

仁宣致治

卷二十九

王振用事

卷三十

龍川之役

卷三十一

平浙閩盜

卷三十二

土木之變

卷三十三

景帝登極守禦

卷三十四

河決之患

卷三十五

南宮復辟

卷三十六

曹石之變

卷三十七

明史紀事本末 目錄

明史紀事本末目錄

汪直用事

卷三十八

平鄧陽盜

卷三十九

平藤峽盜

卷四十

興復哈密

卷四十一

平岡原盜

卷四十二

宏治君臣

卷四十三

劉瑾用事

卷四十四

真鐸之叛

卷四十五

平河北盜

卷四十六

平蜀盜

卷四十七

宸濠之叛

卷四十八

平南贛盜

卷四十九

江彬奸佞

卷五十

大禮議

卷五十一

更定祀典

明史紀事本末 目錄

卷五十二

世宗崇道教

卷五十三

誅岑猛

卷五十四

嚴嵩用事

卷五十五

沿海倭亂

卷五十六

李福達之獄

卷五十七

大同叛卒

卷五十八

議復河套

卷五十九

庚戌之變

卷六十

俺答封貢

卷六十一

江陵柄政

卷六十二

援朝鮮

卷六十三

平倭拜

卷六十四

平楊應龍

卷六十五

礦稅之弊

卷六十六

東林黨議

明史紀事本末目錄

卷六十七

爭國本

卷六十八

三案

卷六十九

平奢安

卷七十

平徐鴻儒

卷七十一

魏忠賢亂政

卷七十二

崇禎治亂

卷七十三

脩明曆法

卷七十四

官寺誤國

卷七十五

中原羣盜

卷七十六

鄭芝龍受撫

卷七十七

張獻忠之亂

卷七十八

李自成之亂

卷七十九

甲申之變

卷八十

甲申殉難

明史紀事本末

卷一

太祖起兵

元順帝至正十二年閏三月甲戌朔，明太祖起兵濠梁。太祖之先，故沛人，徙江東句容，爲朱家巷。宋季，大父再徙淮，家泗州。父又徙鍾離太平鄉，母陳生四子。太祖其季也。太祖生於元天歷戊辰之九月丁丑，其夕，赤光燭天，里中人競呼朱家火。及至，無有三日洗兒。父出汲，有紅羅浮至，遂取衣之。故所居名紅羅障。少時，嘗苦病，父欲度爲僧。歲甲申，泗大疫，父母兄及幼弟俱死，貧不能殮，藁葬之。仲與太祖昇至山麓，絕仲還取纆，畱太祖守之。忽雷雨大作，太祖避村寺中，比曉，往視，土墳起成高隴，地故屬鄉人劉繼祖，繼祖異之，歸焉。尋仲又死。太祖年十七，九月入皇覺寺爲僧，逾月，僧乏食，太祖西至合淝，歷光固、汝、潁諸州，道病，輒見兩紫衣人與俱，病差，遂不見。嘗夜陷麻湖中，遇羣兒呼迎，聖駕叱之，絕跡。崎嶇三載，仍還皇覺寺。時汝潁兵起，騷動濠州，定遠人郭子興據濠州，元將微里不花憚不敢進，日掠良民邀賞。太祖詣伽藍卜問避亂不吉，即守故，又不吉，因祝曰：「豈欲予倡義耶？」果大吉。帝意遂決，以閏三月朔入濠州，抵門，門者疑爲謀，執見子興，子興奇其狀貌，與語大悅之，取爲親兵。凡有攻伐，命之往，輒勝。子興故撫宿州馬公女爲己女，遂妻焉。即高后也。軍中咸呼爲朱公子。九月，元丞相脫脫既破徐州，芝麻李遁去，趙均用、彭早住、師餘黨奔濠，脫脫命賈魯追圍之。太祖與子興竭力捍守，時子興屈己下彭趙，遂爲所制。彭趙據濠稱

王一日執子興於獄太祖曰吾受郭氏深恩可不赴乎遂入子興家明日彭趙聞釋之十三年春元將賈魯死圍解濠軍士亦多折傷太祖雖在甥館每有大志乃歸鄉里募兵得七百人濠人徐達湯和等皆往歸焉

十四年秋七月徇定遠下滁陽時彭趙御下無道太祖乃以七百人屬他將而獨與徐達湯和吳良吳禎花雲陳德顧時費聚耿再成耿炳文唐勝宗陸仲亨華雲龍鄭遇春郭興郭英胡海張龍陳桓謝成李新材張赫周銓周德興等二十四人南略定遠定遠張家堡有民兵號驢牌寨者孤軍乏食欲來降未決太祖曰此機不可失也乃選騎士費聚等從行至定遠界其營中遣二將出大呼曰來者何爲聚恐請益人太祖曰多人無益滋之疑耳直前下馬渡水而往其帥出見太祖曰郭元帥與足下有舊聞足下軍乏食他敵欲來攻特遣吾相報能相從卽與俱往否則移兵避之帥許納請留物示信太祖解佩囊與之彼以牛脯爲獻請諸軍促裝且申密約太祖還留聚俟之越三日聚還報曰事不諧矣彼且欲他往太祖卽率兵三百人抵營誘執其帥於是營兵焚舊壘悉降得壯士三千人又招降秦把頭得八百餘人定遠繆大亨以義兵二萬屯橫澗山太祖命花雲夜襲破之亨舉衆降軍聲大振定遠人馮國用與弟國勝率衆歸附太祖奇之曰爾被服若是其儒生耶顧定天下計將安出國用對曰金陵龍蟠虎踞帝王之都願先拔金陵定鼎然後命將四出救生靈於水火倡仁義於遠邇勿貪子女玉帛天下不難定也太祖大悅俾兄弟皆居帷幄預機密焉國勝一名勝又名宗異定遠人李善長來謁留幕下掌書記晝餽餉甚見親信秋七月太祖將兵進攻滁陽花雲爲先鋒單騎前行遇賊數千人雲提劍躍馬橫衝其陣而過敵大

驚曰：此黑將軍勇甚，不可與爭鋒。既戰，遂克潞陽，因駐師焉。朱文正、李文忠來歸。文正、太祖、孟兄、南昌王子先同其母避亂，與太祖相失。李文忠、太祖姊曹國長公主子、公主卒，其父攜文忠走亂軍中，幾不能存。至是，聞太祖駐兵潞陽，皆來歸。太祖喜甚。文忠年十二，牽上衣而戲。太祖曰：外甥見舅，如見母也。與沐英皆賜姓朱。英定遠人，父母俱亡。太祖見而憐之，令高后育之爲子。何世隆來降，并取鐵佛崗，攻三汊河口，收全椒、大柳諸寨。未踰月，彭早住、趙均用、揆子興往泗州，遣人邀太祖守盱眙，辭弗往。未幾，二人爭權，部曲乘而鬪，多創死。彭亦中流矢死。獨趙均用存，并彭故部曲，狼戾益甚，銜子興，必欲殺之。太祖憂之，使人說曰：公昔困於彭城，南趨濠，使郭公閉壁不相納，死矣。得濠而踞其上，更欲害之，背德不祥。且郭公易與耳。其別部在滁者，兵勢重，可慮也。均用悟，爲少寬。太祖又賂其左右，子興乃得率所部歸滁。稱滁陽王。時太祖部兵數萬人，悉歸之，奉其號令。居再閱月，子興惑讒言，悉奪太祖兵。又欲收李善長置麾下，善長涕泣自訴，不肯行。自是征討之權，太祖皆不得與。且日疏遠，而事之愈恭。有譖太祖戰不肯力者，子興信之，卽令其人與太祖俱出戰。其人出未十步，卽被矢反走。太祖直前奮擊，衆皆披靡。徐還，一無所傷。子興頗內愧，又嘗與三百人出城，顧聞鴉鵲聲，飛矢墮空中，心異之。遽還，俄而敵兵驟至，一無所獲。時諸將各有所獻，太祖所至，禁剽掠，有得卽分部下，無所獻者，與甚不悅。馬皇后悉所有遺子興，故與其帥有隙，怒不發。疑霽漸釋。冬十月，元丞相脫脫克高郵，分兵圍六合。六合遣使求救於滁。子興故與其帥有隙，怒不發兵。太祖曰：六合破，滁不獨存唇齒也。可以小憾而棄大事乎？子興悟，問諸將誰可往者。時元兵號百萬，諸將畏之，莫敢往。且以禱神勿吉爲辭。太祖曰：事之可否，當斷於心，何禱也。於是帥師東，與耿再成守瓦梁。